

# UPM suntik semangat Jun Hoong, Zaidatul

Aida Adilah Mat

aida\_adilah@hmetro.com.my

**Kuala Lumpur:** Penerjun negara Cheong Jun Hoong terkejut menerima insentif daripada Universiti Putra Malaysia (UPM) hasil kejayaannya meraih pingat perak pada temasya Sukan Olimpik Rio.

Semalam, UPM mengumumkan skim insentif kepada pelajar mereka yang beraksi di temasya terbesar itu.

Skim yang kali pertama diperkenalkan itu diumumkan oleh Naib Canselornya Prof Datin Paduka Dr Aini Ideris sebagai motivasi dan perangsang buat atlet yang bernaung di bawah UPM untuk terus mengorak kejayaan mengharumkan nama negara dan universiti.

"Terima kasih kepada UPM kerana memberi in-



JUN Hoong (kiri), Zaidatul terima ganjaran daripada UPM

sentif ini sebagai penghargaan dan saya amat bersyukur kerana UPM terus memberi peluang kepada atlet menyambung pelajaran dan menamatkan pengajian dalam satu tempoh yang tidak ditetapkan.

"Sokongan dan keistimewaan yang diberikan khususnya kepada atlet

amat saya hargai," kata penuntut Sarjana Muda Komunikasi itu.

Kejayaan Jun Hoong membawa pulang pingat perak dalam acara 10m terjun seirama bersama Pandelela Rinong itu membolehkan atlet kelahiran Ipoh itu membawa pulang RM4,000 dan peruntukan

geran untuk program mobiliti ke luar negara.

Selain Jun Hoong turut menerima insentif daripada UPM adalah pelari pecut negara, Zaidatul Husniah Zulkifli dan penembak Jonathan Wong masing-masing menerima wang tunai RM1,000 dan geran mobiliti setiap seorang.